



სსიპ – აკაკი წერეთლის სახელმწიფო უნივერსიტეტი

ბ რ ძ ა ნ ე ბ ა

# 01-04/122

29. 11.

2022 წელი

სსიპ - აკაკი წერეთლის სახელმწიფო უნივერსიტეტში სახელმწიფო სტიპენდიის დანიშვნის წესის თაობაზე საქართველოს განათლებისა და მეცნიერების მინისტრის 2022 წლის 18 ნოემბრის №1477532 ბრძანების გათვალისწინებით

ვ ბ რ ძ ა ნ ე ბ ა:

1. სსიპ - აკაკი წერეთლის სახელმწიფო უნივერსიტეტში სახელმწიფო სტიპენდიის დანიშვნის წესი და დანიშვნის პროცესში შერჩევის კრიტერიუმები განისაზღვროს ამ ბრძანების დანართში ჩამოყალიბებული მოთხოვნების გათვალისწინებით.
2. ბრძანება ძალაშია 2022 წლის 29 ნოემბრიდან;
3. უნივერსიტეტის კანცელარიის უფროსმა (ე.ცირევიძე) უზრუნველყოს ბრძანების გამოცემა; მარკეტინგის, პროექტებისა და ღონისძიებების მართვის სამსახურმა (ასოც.პროფესორი თეა ვალიშვილი) უზრუნველყოს ბრძანების უნივერსიტეტის ვებ-გვერდზე განთავსება;
4. ბრძანება შეიძლება გასაჩივრდეს კანონმდებლობით დადგენილი წესით ძალაში შესვლიდან ერთი თვის ვადაში, ქ. ქუთაისის საქალაქო სასამართლოს ადმინისტრაციულ საქმეთა კოლეგიაში (მის.: ქ. ქუთაისი, კუპრადის ქუჩა №11).

რექტორის მოვალეობის შემსრულებელი

/ასოცირებული პროფესორი შალვა კირთაძე/

ხარისხის უზრუნველყოფის  
სამსახურის უფროსი

/ასოცირებული პროფესორი თეა კორძაძე/



სსიპ აკაკი წერეთლის სახელმწიფო უნივერსიტეტში  
სახელმწიფო სტიპენდიების დანიშვნის წესისა და დანიშვნის  
პროცესში შერჩევის კრიტერიუმის განსაზღვრის შესახებ

**მუხლი 1. ზოგადი დებულებები**

1.1. ეს წესი შემუშავებულია „სახელმწიფო სტიპენდიები სტუდენტებს პროგრამის დამტკიცების შესახებ“ საქართველოს განათლებისა და მეცნიერების მინისტრის 2022 წლის 18 ნოემბრის №1477532 ბრძანების შესაბამისად.

1.2. აღნიშნული წესი არეგულირებს სსიპ აკაკი წერეთლის სახელმწიფო უნივერსიტეტის (შემდგომში - აწსუ) სტუდენტებისათვის სახელმწიფო სტიპენდიების დანიშვნას;

1.3. სტიპენდია ენიშნება სტუდენტს სემესტრულად, ერთი აკადემიური სემესტრის ვადით;

1.4. სტიპენდია ინიშნება და გაიცემა წინა სასწავლო სემესტრის შედეგების გათვალისწინებით, სტიპენდიის კანდიდატებს შორის შერჩევის საფუძველზე;

1.5. სტიპენდიის კანდიდატად ჩაითვლება (შერჩევის კრიტერიუმია):

1.5.1. აწსუ-ს საბაკალავრო პროგრამის, დიპლომირებული მედიკოსის/სტომატოლოგის ერთსაფეხურიანი საგანმანათლებლო პროგრამების და მასწავლებლის მომზადების ინტეგრირებული საბაკალავრო-სამაგისტრო საგანმანათლებლო პროგრამის სტუდენტი, რომელსაც ათვისებული აქვს I სემესტრით გათვალისწინებული ყველა კრედიტი და მისი საშუალო შეწონილი შეფასება<sup>1</sup> (წინა სემესტრის მიხედვით) არანაკლებ 91-ია (მათ შორის, თითოეულ სასწავლო კურსში – არანაკლებ B (81-90 ქულა) შეფასება) - **II სემესტრის აქტიური და საუკეთესო შედეგის მქონე სტუდენტის შემთხვევაში;**

**თანაბარი მონაცემების შემთხვევაში**, უპირატესობა მიენიჭება სტუდენტს, რომელსაც გააჩნია შემდეგი სახის აქტივობები ქვემოთ ჩამოთვლილი რიგითობით:

- 1) სტუდენტთა სამეცნიერო კონფერენციებში მონაწილეობა, სამეცნიერო ნაშრომის გამოქვეყნება, სამეცნიერო პროექტში მონაწილეობა;
- 2) სხვადასხვა საუნივერსიტეტო აქტივობებში, ინიციატივებში ჩართულობა (ტუტორი, სტუდენტური სერვისები, პროექტი „მე-უნივერსიტეტი“, სტაჟირებები);
- 3) საუნივერსიტეტო ტრენინგებში, სემინარებში, ვორკშოპებში, უნივერსიადაში მონაწილეობა;
- 4) არასაუნივერსიტეტო ტრენინგებში, სემინარებში, ვორკშოპებში მონაწილეობა;
- 5) საუნივერსიტეტო სპორტულ, სახელოვნებო ღონისძიებებში, ოლიმპიადებში მონაწილეობა.

აღნიშნული აქტივობები განხორციელებულად ჩაითვლება, თუკი მათში მონაწილეობა შედგა სტიპენდიის დანიშვნამდე წინა სემესტრის განმავლობაში და დასტურდება შესაბამისი დოკუმენტით.

1.5.2. **სხვა შემთხვევაში** - აწსუ-ს საბაკალავრო პროგრამების III, IV, V, VI და VII სემესტრის, დიპლომირებული მედიკოსის ერთსაფეხურიანი საგანმანათლებლო პროგრამების III, IV, V, VI, VII, VIII, IX, X და XI სემესტრის, სტომატოლოგიის ერთსაფეხურიანი საგანმანათლებლო პროგრამის III, IV, V, VI, VII, VIII და IX სემესტრის, მასწავლებლის მომზადების ინტეგრირებული საბაკალავრო-სამაგისტრო საგანმანათლებლო პროგრამის III, IV, V, VI, VII, VIII და IX სემესტრის სტუდენტი,

<sup>1</sup> საშუალო შეწონილი შეფასება გამოითვლება ფორმულით  $(A_1 \times B_1 + A_2 \times B_2 \dots) / (A_1 + A_2 \dots)$  სადაც A-საგნის კრედიტია, B - შეფასების ქულა.



რომელსაც ათვისებული აქვს გასული სემესტრებით გათვალისწინებული ყველა კრედიტი და მისი საშუალო შეწონილი შეფასება წინა სემესტრის მიხედვით, მაგრამ არანაკლებ 91-სა (მათ შორის, თითოეულ სასწავლო კურსში – არანაკლებ B (81-90 ქულა) შეფასება) შესაბამისი სემესტრის საუკეთესო შედეგის მქონე სტუდენტს, რომელიც აქტიურად ღებულობდა მონაწილეობას სამეცნიერო კონფერენციებში, პროექტებში, სხვადასხვა საუნივერსიტეტო აქტივობებში, ინიციატივებში, ვორკშოპებში და ა.შ.

თანაბარი მონაცემების შემთხვევაში, უპირატესობა მიენიჭება სტუდენტს, რომელსაც გააჩნია შემდეგი სახის აქტივობები ქვემოთ ჩამოთვლილი რიგითობით:

- 1) სტუდენტთა სამეცნიერო კონფერენციებში მონაწილეობა, სამეცნიერო ნაშრომის გამოქვეყნება, სამეცნიერო პროექტში მონაწილეობა;
- 2) სხვადასხვა საუნივერსიტეტო აქტივობებში, ინიციატივებში ჩართულობა (ტუტორი, სტუდენტური სერვისები, პროექტი „მე-უნივერსიტეტი“, სტაჟირებები);
- 3) საუნივერსიტეტო ტრენინგებში, სემინარებში, ვორკშოპებში, უნივერსიადაში მონაწილეობა;
- 4) არასაუნივერსიტეტო ტრენინგებში, სემინარებში, ვორკშოპებში მონაწილეობა;
- 5) საუნივერსიტეტო სპორტულ, სახელოვნებო ღონისძიებებში, ოლიმპიადებში მონაწილეობა.

აღნიშნული აქტივობები განხორციელებულად ჩაითვლება, თუკი მათში მონაწილეობა შედგა სტიპენდიის დანიშვნამდე წინა ორი სემესტრის განმავლობაში და დასტურდება შესაბამისი დოკუმენტით.

## **მუხლი 2. სახელმწიფო სტიპენდია**

- 2.1. სახელმწიფო სტიპენდიის დანიშვნა ხდება საქართველოს განათლების და მეცნიერების სამინისტროს „სახელმწიფო სტიპენდიები სტუდენტებს“ პროგრამის ფარგლებში (პროგრამული კოდი - 32 04 02 06). სახელმწიფო სტიპენდია შეადგენს თვეში 150 (ას ორმოცდაათი) ლარს;
- 2.2. სტიპენდიები გაიცემა აკრედიტებულ საგანმანათლებლო პროგრამებზე 2022 წლის **1-ლი ნოემბრის** მდგომარეობით აქტიური სტატუსის მქონე სტუდენტთა საერთო რაოდენობის 4 პროცენტის სტიპენდიებით უზრუნველსაყოფად.
- 2.3. ფაკულტეტებისათვის კუთვნილ სახელმწიფო სტიპენდიანტთა რაოდენობა განისაზღვრება უნივერსიტეტში აკრედიტებულ საგანმანათლებლო პროგრამებზე 2022 წლის **1-ლი ნოემბრის** მდგომარეობით აქტიური სტატუსის მქონე სტუდენტთა საერთო რაოდენობის პროპორციულად.
- 2.4. ფაკულტეტის ფიქსირებულ საშემოდგომო სემესტრში სტიპენდიანტთა რაოდენობა განისაზღვრება ამ სემესტრზე რიცხვულ სტუდენტთა რაოდენობის პროპორციულად;
- 2.5. ფაკულტეტზე სტიპენდიების განაწილება ხდება აკრედიტებული საგანმანათლებლო პროგრამების მიხედვით;
- 2.6. თუ კონკრეტული მიღების წლის მიხედვით სტიპენდიის სრულად ათვისება არ ხდება, მაშინ აუთვისებელი სტიპენდიების ოდენობა გადანაწილდება იმავე პროგრამის სხვა კონკრეტული მიღების წლის სტუდენტებზე იმავე პრინციპით;
- 2.7. საგანმანათლებლო პროგრამაზე აუთვისებელი სტიპენდიები გადანაწილდება იმავე ფაკულტეტის სხვა საგანმანათლებლო პროგრამებზე, სტუდენტთა კონტინგენტის პროპორციულად;
- 2.8. კონკრეტულ ფაკულტეტზე აუთვისებელი სტიპენდიები გადანაწილდება სხვა ფაკულტეტებზე, იმავე პრინციპით.

### **მუხლი 3. სტიპენდიის დანიშვნა**

3.1. სტიპენდიის დანიშვნა ხორციელდება რექტორის ადმინისტრაციულ სამართლებრივი აქტით. სტუდენტთა საერთო კონტიგენტს, რომელსაც ენიშნება სახელმწიფო სტიპენდია, შეიმუშავებს უნივერსიტეტის ხარისხის უზრუნველყოფის სამსახური შესაბამისი ფაკულტეტებიდან მიღებული სიების შესაბამისად.

5.2. ფაკულტეტის სტუდენტთა სიას, რომლებსაც უნდა დაენიშნოს სახელმწიფო სტიპენდია, ადგენს ფაკულტეტის დეკანი ამ ბრძანებით დამტკიცებული წესის შესაბამისად, დადგენილი კრიტერიუმების მიხედვით და წარუდგენს ფაკულტეტის საბჭოს დასამტკიცებლად.